







M. DC. XXI.

4  
rées, sçauoir, Mansfeld à Pilsen, Egra & autres endroits; & George Marquis de Iagerndorf vers la Lusacie, Silesie, & Moraue, & entretenu leurs intelligences avec les Estats rebelles de Hongrie; ce qui auroit mis derechef les affaires de Boheme en vne grande confusion; pour à laquelle remedier & empêcher vne seconde reuolte, vne partie de l'armée Imperiale victorieuse, auoit esté lâgée dans Prague & aux enuirons: & l'autre auroit esté menée en Moraue. Aussi que l'E lecteur de Saxe, auquel sa Majesté Imperial auoit enuoyé vne pareille Commission, qu'à luy Duc de Bauieres, ayant esté cōtraint d'entrer en armes dans la haute & basse Lusacie, pour reduire les Lusatiens, les auoit remis l'obeyssance par la force.

Que depuis Mansfeld tenant ses gens de guerre sur les frontieres du haut Palatinat & de Boheme, auoit fait presumer à plusieurs qu'il s'y estoit retiré pour conseruer & defendre les pays hereditaires de l'E lecteur, cependant que plusieurs des E lecteurs & Princes de l'Empire tiendroient leur Assemblee pour pacifier le trouble de Boheme: Mais qu'au cōtraire, Mansfeld s'estoit non seulement jetté avec violence sur les pays de Boheme, mais auoit attaqué l'armee de luy Duc de Bauieres, & fait entrer ses gens dans ses terres, où ils auoient surpris & pillé Lemon.

Que toutes ces choses estoient claires comme le iour, & estoit assez recogneu par les de portements de Mansfeld qu'il estoit ennem













